

Жонийнинг номи Мулла Курбон бўлиб, унинг яшаган ва ижод этган вақти XVIII асрнинг охириги чораги ва XIX асрнинг биринчи ярмига тўғри келади. У Бухорода яшади ва ижод этди. Сайфий деган шоир Жонийнинг вафотига бағишлаб ёзган тарих — марсиясида:

Хирад пири деди уйкумга тарих айлагил Сайфий,
Дедим минг икки юз эллик бошида Жони жон кетди.

деб ёзади. Демак Жоний 1250 (1834) йилда вафот этган. Бизга маълум бўлган тазкираларда Жоний биографиясига оид маълумотлар учрамайди. Аммо шоирнинг мукамал девонидан икки нусхаси бизгача етиб келган. Улар хозир Ўзбекистон Фанлар академиясининг Шаркшунослик институтида сақланмоқда. (Инв. № 125, инв № 7483) Ушбу тўпلامга киритилган Жоний шеърлари тахминан 1833/1834 йилларда кўчириб ёзилган девонидан (инв. № 125) олингандир.

«ДЕВОН» ДАН

ГАЗАЛЛАР

* * *

Турди бўстон сайрига сарви хиромон силкиниб,
Килди пояндоз гул баргин гулистон силкиниб.

Кулгусидин гул сочиб, кизлар билан нозин кўруб,
Панжасида зарларин гул килди эхсон силкиниб.

Зулф бирлан ўйнабон атридин анбар тўкканин,
Сунбул они кўрди-ю, бўлди паришон силкиниб.

Гунча гуфторин кўруб чирманди хазро пардага,
Сарв рафторин эшитиб, колди хайрон силкиниб.

Хар ким ўз гулрўйига махв эрди, Жоний, бил они
Гул юзин кўрди-ю, булбул килди афгон силкиниб.

* * *

Йиглатди кўзларимни ажаб лабларинг кулуб,
Важдим бу эрди шамъи жамолингдин ўргулуб.

Хар кайси бошка-бошка тилар садка бўлмагин
Кошу кўзингга жону кўнгул акл олдуруб.

Васлинг тириклигим сабаби субху шом, бас,
Бошинг учунки борма менинг кўнглими узуб.

Таъбир килдим ой юзинга мунзави калаф,
Рухсоринг узра хатти муанбарни туш кўруб.

Бир кўрмак иштиёкидин эй навбахори хусн,
Тунларнн ўткурур йўлинг устида ўлтуруб.

Сен шод сайр ичинда паричехралар била,
Мен хаста дог бир гўшада зор телмуруб.

Жоний, ниҳояти талабинг кўйи туфроги
Жон берса оз эмастур оёгингга бош кўюб.

* * *

Санга бир кун дедим, эй махжабин, шомимни махтоб эт,
Сен айдинг йигламокдин ашки олинг бодаи ноб эт.

Мен онга навха килдим холима бир келмадинг харгиз,
Гулоб урмай, кўзум мардумларин дерсенки симоб эт.

Сариг рухсор уза гулгун сиришким холатин кўргил,
Гулистон ичра раъно коматингдин гулни бетоб эт.

Хатинг савдосида гул оразингдин беҳабар сонма,
Нигоҳ тиги била гул гунчадек кўнглимни сероб эт.

Юраклар пора-пора, тах-батах кондур жигар, Жоний,
Чаманда сийна очиб, гул яко чокини ноёб эт.

* * *

Маломатлар етишти сачга, эй жон, мен ёмондин кўп.
Нечаким менга етти сарзаниш ахли замондин кўп.

Агар булбул чаман сахнида юз йил навха тортаркан
Эмастур бир нафас мен бенаво чеккан фигондин кўп.

Итинг бирла менинг шаънимда сонсиз можаролардур,
Басо, Фарходу Мажнун элга килган достондин кўп.

Жамолингдин кўзум богида бир наврас гул очилмиш.
Шукухи жилваси юз гулшану минг гулситондин кўп.

Сари кўйингда танхо мен киби зору хазин йўктур,
Агарчандеки сенда ўртаган бехонумондин кўп.

Кадинг сарвини истаб бир гулистон ичра кўз солдим,
Анга монанд кўзга кирмади сарви равондин кўп.

Адамдур, беибодур Жонийи мискин, афокаллох,
Жахон ичра бахосин килмагил ахли замондин кўп.

* * *

Тун окшом оразингдин тўлун ой кўрдим хаёл ичра,
Ўзимдан бордим ул гоятда бўлдим ўзга хол ичра.

На раъно сарвқад давринг гули рухсори зебин
Чаман ахлини махви ранг айлабдур камол ичра.

Хушо, гулзор аро гулгун узори наргис олтуни,
Ики заррин газола гурфарокдир хусни ол ичра.

Малохат боғидур хуснинг, назокат сендадур ёри,
Пари пайкар санамлар ходим ўлмишлар жамол ичра.

Менинг коми дилимга захри хажрынг шахди рохатдур,
Бу лаззатни киши топмас юриб юз йил висол ичра.

Не давлатдур менга дилдор ёди бирла жон бермак,
Не мушкул иш эрур охсиз малолидур малол ичра.

Фано бўлмаё етишмас белу огзинг сайрига Жоний
Саропо умр бори сарф ўлмиш кийлу кол ичра.

НАВОИЙ ГАЗАЛИГА МУХАММАС

Боги жаннат гулшани хуснингга рухафзо эмас,
Нахли тўби коматингдек сарв гардунсо эмас,
Не деб олам ичра хаттинг рашкидин савдо эмас,
Сунбулин Лайли очибдур ел абир осо эмас,
Догини Мажнун конатмиш лолаи хумро эмас.

Бахри хайрат ичра Вомик туздинг, эй Узро узор,
Гулда Лайли аксидур, булбулда Мажнундин шиор.
Бир тараф Ширин хадиси, бир тараф Фарходи зор.
Настаран кўзгусида бир сори мен, бир сори ёр.
Чехра аксин кўргузубдур ул гули раъно эмас.

Савсани тўн бирла сабзи хат муносибдур анга.
Нилуфарга хол юзида мазхари нурул-худо,
Мунча зебу зийнат ила сарви каддин адо,
Гулга ўхшатган каби ёримни гўё бог аро,
Музтариб кўнглум кушидур булбули шайдо эмас.

Гўйё шамсу камардур хусн шахристонида.
Кўрмадим ул хурваш шабхуни ризвон ёнида,
Гулжабинлар хасратидин бош кўйуб остонида,
Гулни сарв узра хаёл этдим кўнгул бўстонида.
Рост айтиб сарви гулрўйим киби зебо эмас,

Ул ситамгардин кўнгул хифзига килдим эҳтиёт,
Хар касу нокас била беҳуда килмай инхирот.
Мутриби гулчехра илхони-ла туздим инбисот.
Доим афгонимда булбул ноласидии йўк нишот.
Ул хам андухзо эмас, бул хам нишот афзо эмас.

Новаки мужгон этиб ул шўх чўк гўстог аро,
Колди кўнглум захми пайконидин асру дог аро,
Хизр бўлсун йўк иложи кирмайин туфрог аро,
Бўлмангиз мағрури хусн, эй шўхларким, бог аро,
Сиз киби бултурги гуллардин бири пайдо эмас.

Кошларининг эгмасидин аксдур кавси кузах,
Ёй агар булдур жахон ичра савод этмас шабах,
Жоний ўз гулчехраси эхсонидин топмиш фарах.
Менга гулрух соки-ю, булбулга гул тутти кадах,
Мастдур улким, Навоийдек вале расво эмас.

ФУЗУЛИЙ ГАЗАЛИГА МУХАММАС

Завкиминг вори ўшал тожи сазовора фидо,
Шавкиминг шухраси бошинг уза зар тора фидо,
Кўнглуминг махзани гул орази гулнора фидо,
Жониминг жавхари ул лаъли гухарбора фидо,
Умриминг хосили ул шеваи рафтора фидо.

Канд дерлар сўзинги, йўхса малохат кони,
Рамзидин гул тўкилур, дур гухари эхсони,
Кўзларим ул ики меҳроби яшил хайрони,
Дард чекмиш бошим ул чашми сиях курбони,
Тоб кўрмиш таним ул турраи таррора фидо.

Сарв дерлар кадинга аслида жаннат шажари,
Гуллари рухи равон, инсу малакдур самари,
Юзларим лолалари шабнами сони сахари,
Кўзларимдин тўкулан катраи ашким гухари,
Лабларингдин сочилан луълуи шахвора фидо.

Юзинга садка чаман сайрида гул соралари,
Бенгзатурлар дахи насрин киби бечоралари,
Кўзларим окида мардум деялар коралари,
Чок кўксумда ўлан конлу жигарпоралари,
Маст чашмингда ўлан гамзаи хунхора фидо.

Кўзларинг ўки ўтуб кўксима бал жонимдин,
Катра конлар тўкула хар сари мужгонимдин,
Бехабар бўлдум ўшал этдуги пайконимдин,
Пора-пора дили мажрухи паришонимдин,
Сари кўйингда киран хар ита бир пора фидо.

Манга даст берса внолинг унин ошуртордим,
Кирпиким найза килиб душманингни туртордим,
Шукрлиллахки кўйинг хокина кўз суртордим,
Жону дил кайдини чекмакдин ўзум куртордим
Жонни жононима килдим, дили дилдора фидо.

Тонг дагил булбул агар тутса гулистонни азиз,
Дўгулуб гули хумро килса бу бўстонни азиз,
Жоний, хоконлар аро беклади султонни азиз,
Эй Фузулий, нўла гар сахлар эсанг жонни азиз,
Вакт ўла ким ўла бир шўхи ситамгора фидо.

РУБОИЙЛАР

Зулф эмас рухсори жонон узра умридур дароз,
Ул жихатдин хасратиднн кўрмайин жон берсам оз,
Кокилинг торига банд ўлди кўнгул не важхдин,
Улса ул нисбат била саргашталиқда сарфароз,

* * *

Коматинг сарвинда кўрдим икки гулшанвор гул,
Икки гулгун оразинг аксиму, ё дастор гул.
Лаъл гул барги жабин, гулнор рухсору закан.
Хар бирин ёлгон эмас айтилса юз харвор гул.

* * *

Ой талъати мох ёна кўрдим.
Гафлатда эдим уёна кўрдим.
Лутф этдингу бошим узра келдинг,
Шукрки юзунгни кона кўрдим.